

Den un sala di conta storia completamente renoba:

Amina Blackwood Meeks di Jamaica ta deleita publico cu su storianan durante reapertura di Biblioteca Nacional



Storyteller di Jamaica, Amina Blackwood Meeks

ORANJESTAD - Diahuebs atardi pa 4'or tin contamento di storia cu Amina Blackwood Meeks, un storyteller for di Jamaica.

Amina ta duna 3 presentacion na biblioteca y ta bishita diferente scol basico tambe e siman aki pa conta storia. Diaranson e ta di bishita cerca e studiantenan di Instituto Pedagógico Arubano (IPA) pa duna nan informacion di e arte di contamento di storia.

Amina tabata riba programa di Festival di buki pa mucha november ultimo pero pa motibonan no prebisto mester a cancela su biahe y a cambia esaki pa januari

2013.

Tin ora cos ta sosode pa un motibo y awor Amina ta e "guest star" durante siman di actividad special den cuadro di reapertura oficial di biblioteca su edificio central na G. Madurostraat.

Un invitacion ta bay pa tur mucha pa diahuebs awor 4or na biblioteca. E presentacion aki ta na Ingles. Un invitacion special tambe pa e comunidad Jamaicano bishita biblioteca.

Pa celebra e reapertura oficial hunto cu muchanan di Aruba, Biblioteca Nacional a presenta contamento di storia.

Diamars ultimo Olga Buckley a conta

e storia di 'E prinses cu no kier a Peña su cabey'. Esaki ta prome actividad cu a tuma lugar den Verteltoren y ta spera cu hopi mas ta sigui den 2013.

E storia ta un traduccion na Papiamentu di e buki di e autor Hilli Arduin 'Ivana, de prinses die haar haren niet wilde kammen' traduci pa Olga Buckley y Desiree Correa.

E edificio di Biblioteca Nacional tin un 'fresh new look' cu su coloman bibo. Tambe e sala di conta storia (Verteltoren) na prome piso a keda completamente renoba. Aki normalmente e actividadnan pa e chikitanan ta tuma lugar. □

Club di Movimiento cu show na Biblioteca Nacional awe tardi

ORANJESTAD - Awe tardi Club di Movimiento ta cera e siman di actividad special na biblioteca cu un espectáculo di baile. Esaki ta cuminsa 6or. E presentacion di Club di Movimiento bou direccion di Sra. Samantha ta consisti di 11 baile diferente. Lo tin Street dance, polka, ballet clasico, baile contemporaneo, Funk Jazz, salsa y un baile titula 'Brasileira'. Publico por spera bailarinanan di tur edad, chikito y hoben cu trahe special.

Club di Movimiento

Club di Movimiento ta un scol di baile cu pa mas cu 15 aña caba ta situa na Bubali. E scol ta acepta mucha di 3 aña bay ariba y ta ofrece les di ballet, character, jazz, baile moderno-contemporaneo, tap, Latin, streetdance, aerobics, Belly dance, samba y afro pa mucha y adulto. Na Club tur alumno ta conta. E ta un scol di baile activo den comunidad y e ta tuma su responsabilidad socio-cultural di desaroyo di arte di baile na Aruba hopi na serio.

Ademas di siña baile, algun di e metanan di Club di Movimiento ta pa siña alumnonan crece cu confianza, curiosidad, iniciativa, miho disciplina y motivacion den bida, y pa respecta su amigonan actuando semper husto un cu otro.

Historia recien

Na Februari 2012, Club di Movimiento su alumnonan a biaha pa participa den Prix Arabesque na Belgica. Na Maart 2012 Club di Movimiento su alumnonan a baila na Fiesta Rotaria. Na April 2012, Club di Movimiento a forma Youth Ballet Companionship. E meta di Youth Ballet Companionship ta pa ofrece nos hobennan e oportun-

idad pa enfoca y mehora nan tecnica di baile pa asina nan por bay competi den exterior y por haya un miho oportunidad den area profesional di danza. Na mei 2012, Club di Movimiento su alumnonan a baila den 'Open Dag' di Mariniers Kazerne. Na Juni 2012, Club di Movimiento a presenta e recital anual, Movements without limits... That's who we are! 15th Anniversary Recital. Na September 2012, Club di Movimiento a organisa na Cas di Cultura un Fundraising show pa studiantenan por a competi na Merca. Na October 2012 Club di Movimiento a biaha pa Merca, cu un grupo di 17 mucha den categoria di edad di 9 te cu 20 aña pa competi den categoria Ballet Clasico y Contemporaneo na e Festival 'International Youth Dance Festival of New Jersey'. E alumnonan a clasifica na di 3 lugar cu 2 baile contemporaneo ('Little things out of my head' y 'Progressions by number- number' 1). Jillian Oduer a ricibi un Achievement Award pa su Jazz solo performance - Funk Jazz. Na November 2012 Club di Movimiento a baila na Cas di Cultura y pa durante e Dia Internacional di Derecho di Mucha. CDM Youth Ballet Companionship a baila na apertura di e Sculpture Garden di Queen Beatrix Airport. Recientemente na December 2012, 35 alumno di Club di Movimiento a participa na Nutcracker Ballet performance organisa pa Kozlov International USA, na cas di Cultura. Club di Movimiento ta participa na diferente evento cultural cu ta yuda e estudiante conoce su mes miho y habri

horizonte di alumnonan dor di baile, tuma les y intercambia cu otro scolnan di baile den un atmosfera constructivo. E experiencia bunita di baila ta necesario no solamente pa e alumno, sino tambe pa e jufrouwnan, mayornan, y pa e publico Arubano en general. Pues biblioteca ta spera un y tur awe tardi 6or. Riba e combinacion di foto por tira un bista riba e muchanan di Club di Movimiento. □

